

IIB MA GALO

FAAFINTA

RASMIGA AH

الرسمية



الجريدة

JAMHUURIYADDA DIMOQRAADIGA SOOMALIYA

الجمهورية الصومال الديمقراطية

Sannadka 10aad Muqdisho, 30 Agoosto 1982 L. 2 r 8

FAAHFAAHIN BIL SOO BAXA

جريدة شهرية

Laanta Faafinta Rasmiga ah ee Madaxtooyada J.D.S.

QIIMADU waa 5 Shiln lambar waliba—RUKUNKA: Sannadii waa Shs. 100 Somaliya gudaheeda—dibaddeedana waa Shs. 300. Ruknka la weydiisto waqtiga loo gooyey wuxuu ka bilaa bmaa 1 Janayo Qiimaha qoritaanku F.R. halkii sadar iyo waxoo ka yar waa 2 laba Sh. — Rukunka iyo qoritaanka waxaa a weydiistaa laanta Maamulka Faafinta Rasmiga ah—lacagta waxaa lagu bixinayaa Xafiiska Canshuuraha ee Wasaaradda Lacagta.

K O O B N I I N

S H A R C I

QAYBTA

KOWAAD

W. M.

QAYBTA

LABAAD

QAYBTA KOWAAD

SHARCI L. 26 ee 14 Agoos. 1982, Dhisid Maxkamado Dagaal ee Ciidamada Qalabka sida.

BOG. 671

SHARCI L. 27 ee 9 Agoos. 1982, Dhismaha Guddiga Difaaca iyo Nabad gelyada ee Qaranka.

» 674

SHARCI L. 28 ee 21 Agoos. 1982, Isbiddelka laad ee Miisaaniyadda 1981.

» 677

SHARCI L. 29 ee 21 Agoos. 1982, Isbeddelka laad ee Miisaaniyadda 1982.

» 679

SHARCI Lambar 27 taariikh 9 Agoos. 1982
Dhismaha Guddiga Difaaca iyo Naba
dgelyada ee Qaranka.

MADAXWEYNAHA JDS

ISAGOO TIXGELINAAYA: Oggolaashaha Guddiga
Joogtada ah ee Golaha Shacbiga.

WUXUU SOO SAARAYAA

Sharciga Soo socda:

Qod. 1aad

(Dhismaha Guddiga)

Waxaa la dhisay Guddiga Difaaca iyo Nabadgelya
da ee Qaranka.

Qod. 2aad.

(Koobnaanta Guddiga)

Madaxweynaha J.D.S. Waa Guddoomiyaha Guddi
ga Difaaca iyo Nabadgelyada ee Qaranka, waxaana
xubno ka ah Guddiga Siyaasadda ee Xisbiga Hantiwa
daagga Kacaanka Soomaaliyeed, Wasiirka Wasaarad
da Gaashaandhigga, Wasiirka Wasaaradda Arrimaha
Dibadda iyo Wasiirka Wasaaradda Maaliyadda.

Qod. 3aad.

(Wajibaadka Guddiga)

Wajibaadka Guddiga Difaaca iyo Nabadgelyada
ee Qaranka wuxuu yahay.

1. Inuu si joogta ah ula socdo, una qiimeeyo xaaladda
Difaaca iyo Nabadgelyada ee Qaranka.
2. Inuu ka haqabtiro Ciidammada iyo Hay'adaha ka
le ee u xilsaaran Difaaca iyo Nabadgelyada, had

3. Inuu si joogta ah ugu baraarujiyo Hay'adaha u xil saaran Difaaca iyo Nabadgelyada Qaranka. guda shada waajibaadka.
4. Inuu kiciyo, Abaabulo, kuna baraarujiyo Shacbiwe ynaha Soomaaliyeed iyo Hay'adaha kale ee Qaranka ka qaybqaadashada Difaaca iyo Nabadgelyada Dalka.

Qod. 4aad.

(Awoodda Guddiga)

Guddigu wuxuu awood u leeyahay inuu qaado tal laabokasta oo uu ku sugayo jiritaanka, midnimada iyo xasilloonaanta Qaranka, haddii laga reebo awoodaha gaarka u ah Madaxweynaha J.D. Soomaaliya.

Qod. 5aad.

(Shirka Guddiga)

1. Guddigu wuxuu Shirkiisa ku yeelanayaa meel kas too ka mid ah Jamhuuriyadda Dimoqraadiga Soomaaliya, Bishii hal mar, markii ay xaaladda Difaaca iyo Nabadgelyada Dalku caadi tahay.
2. Mar kasta oo ay jirto baahi ka dhigaysa lagama maarmaan, Guddoomiyuhu si deg deg ah ayuu isu gu yeeri karaa Guddiga, isaga ayaana xaddida ka ltanka Shirka.

Qod. 6aad.

(Guddi Hoosaad)

Guddiga Difaaca iyo Nabadgelyada Qaranku wuxuu yeelan karaa Guddi Hoosaa.

Qod. 7aad.

(Shirka Guddi Hoosaadka)

Guddigi Hoosaadku wuxuu shiraa markii ay xaa laddu caadi tahay 15kii maalmoodba mar, iyadoo Gud doomiyaha Guddi Hoosaadku tilmaamayo meesha la gu shirayo, wuxuuna warbixintiisa iyo soojeedintiisa u soo gudbinayaa Guddoomiyaha Guddiga Difaaca iyo Nabadgelyada ee Qaranka.

Qod. 8aad.

(Burin)

Sharci kasta oo kan ka horreeyey oo ka hadlaya arrintan waa la buriyey.

Qod. 9aad.

(Dhaqangal)

Sharcigani wuxuu dhaqan gelayaa 1da Juun 1982, waxaana lagu soo saarayaa Faafinta Rasmiga ah ee Jamhuuriyadda.

Muqdisho, 9 Ago. 1982

MADAXWEYNAHA J.D.S.

(Maxamed Siyaad Barre)